

浙江大學圖書館藏

重訂廣濕熱論

一寒庄士
署



醫學文庫



六 溫燥法

溫熱爲伏火症。本不當用溫燥。然初起客寒包火搏束過甚。致伏邪不能外達。不得不暫用溫散法。如劉氏蘇羌飲。局方芎蘇散之類。亦有濕遏熱伏。抑鬱太甚。致伏邪不能外出。不得不暫用辛燥法。如藿香正氣散。九味羌活湯之類。一經寒散熱越。濕開熱透。卽當轉用他法。以速清其伏邪。此在表兼寒兼濕之當用溫燥法也。更有初起夾水氣症。在表時不宜純用辛涼。發散若純用辛涼。則表必不解。而轉見沉困。有裏症不可遽用苦寒。若早用苦寒。則裏熱內陷。必轉加昏蒙。此水氣鬱遏。伏邪陽氣受困。宜於發表清裏藥中加溫燥之品。以祛水氣。如藿香、厚樸、半夏、蒼朮、草果、豆蔻、廣

皮赤苔等品。皆可對症。酌用。迨水氣去。鬱遏開。然後議攻。議涼。則無不效者矣。又有夾冷。食傷胃。往往有脈沉。肢冷者。若胸膈痞滿。舌胎白厚。益爲食填。膈上之明證。卽當用溫化燥劑。如加味平胃散。〔戴北山驗方〕沉香百消麴。〔道藏方〕絳礬丸。〔張氏醫通方〕之類。甚則用吐法。以宣之。如椒鹽湯。生蘿蔔汁等。使膈開而陽氣宣達。然後伏邪外潰。或當解表。或當清裏。自無誤治矣。此在裏夾水。夾食之。當用溫燥法也。此等兼症夾症。每用溫燥藥見功者。遂相訟清熱瀉火之非。歸咎於冰伏涼遏之弊。不知溫熱乃其本。氣兼夾。乃其間氣也。豈可拘執兼症夾症之用溫燥法。見功遂併其溫熱本症之。當用清涼而一概抹煞也耶。更有並無兼症夾症。

而邪深入裏。失於攻下。而熱深厥深。反欲擁被向火。凜凜惡寒。身冷肢厥。而二三處獨見。此症如目大小皆赤。舌胎黃黑燥。小便黃赤澀痛。大便秘黃極臭。或下利鮮血。此皆熱深陽鬱之象。當以溫燥通鬱爲主。佐以辛涼透熱。如新定達原飲。加減藿朴夏苓湯之類。使裏氣通而鬱陽發。反大熱而煩渴。卽轉機而用清用下。以收全功者甚多。至若本係溫熱伏邪。因其人平素陽虛。或年已衰老。醫用發表攻裏太過。至汗出不止。嘔利俱作。四肢微厥。脉微惡寒者。不得不暫用溫燥扶陽。如胃苓湯。合半硫丸之溫。運脾陽。朮附湯。合半硫丸（皆吳氏溫病條辨方）之溫。固命陽。但須知雖屬陽虛。却從熱症來。而陰必虧。半硫丸附亦不可過用。當佐以護陰藥。

爲妙。如歸芪建中湯。參附養榮湯之類。皆可酌用。總之。此症溫補略緩。及溫補不到。必死。或用溫補。陽雖回。而陰竭。亦死。此處不可不斟酌。至當也。又如濕溫。濕熱。方伏於膜原。未經傳變之時。胸膈必多痰滯。有見其煩躁。而過用知膏。芩連者。有因其作渴。而遵用生地。麥冬者。有病者。自認火症。而恣啖冷水。西瓜。梨。薺。太早者。皆能抑鬱陽氣。壅閉伏火。火鬱於中。下二焦。停痰滯於上焦。每見惡寒。胸痞。甚則煩躁昏譫。宜先以宣導痰滯爲主。如加味二陳湯。藿樸二陳湯。吳氏導痰湯。三子導痰湯之類。痰滯通。則伏火之症。發現。隨其傳變。以施涼解攻利之劑。乃有效也。以上溫補。溫化。二法。特救藥誤。食誤。非治溫熱正病耳。總之。溫熱諸症中。惟濕溫一

症。其病情半陰半陽。其病原水火互結。其病狀反覆變遷。不可窮極。在上焦如傷寒。在下焦如內傷。在中焦或如外感。或如內傷。至其變症。則有濕痺、水氣、咳嗽、痰飲、黃汗、黃疸、腫脹、瘡疾、痢疾、淋症、帶症、便血、疝氣、痔瘡、癰膿等症。其間宜清涼芳烈者固多。宜溫化燥滲者亦不少。方法已詳溫熱。即是伏火篇。若夫病後調理。凡屬濕溫、濕熱。當以扶陽爲法。溫健胃陽。如香砂理中湯。六君子湯之類。溫升脾陽。如補中益氣湯。參胡三白湯之類。然亦有病後化燥。有當用甘涼濡潤者。或有用酸甘化陰者。全在臨症者活法。機變也。謹述宜溫燥諸症。條列於左。

頭痛身熱

惡寒無汗

甚或肩背腰痛

或膝脛痛

口雖

不渴 間有煩躁口苦 便溏不爽 小便黃熱 舌苔滑白
或兩邊白中淡黃 以上溫熱兼寒新涼外束之候。

凜凜惡寒 甚或足冷 頭目脹痛昏重 如裹如蒙 身痛

不能屈伸 身重不能轉側 肢節肌肉 疼而且煩 腿足

痛而且酸 沉困嗜睡 胸膈痞滿 渴不引飲 或竟不渴

午後先寒後熱 狀若濕瘧 舌苔白膩 或白滑而厚 或

白胎帶灰兼黏膩浮滑 或白帶黑點而黏膩 或兼黑紋而

黏膩 甚或舌胎滿布 厚如積粉 板貼不鬆 以上溫熱

兼濕濕遏熱伏之候。

胸脘滿痛 按之則軟 略加揉按 漉漉有聲 甚則腸下

抽痛 乾嘔短氣 或腰重足腫 下利溺少 甚或沉困昏

憤 舌苔滑白 間有轉黃轉黑而胖滑 或滿舌黃黑 半

邊夾一二條白色 或舌尖舌本俱黃 中間夾一段白色

以上溫熱夾水停積胸脘之候。

惡食吞酸 噎氣腹滿 欲吐不吐 嘔逆痞悶 甚或脉沉

肢冷 舌苔白厚 微兼淡黃 以上溫熱夾冷食填塞膈脘

之候。

氣少息促 聲顫無力 語不接續 喜向裏睡 汗出惡寒

嘔利俱作 四肢微厥 甚或兩足冷甚 舌色淡紅圓厚

或淡晦少神 或舌青胖嫩 以上溫熱夾虛涼瀉太過之候。

頭目昏眩

胸膈痞悶

按之不痛

口吐涎沫

懊懣煩躁

甚或神昏如迷

舌苔白滑黃滑不等

以上溫熱夾痰涼遏

太過之候

七

消化法

消者去其壅也。化者導其滯也。凡人氣血所以壅滯者，必有所因。先其所因而堅者，削之。此卽消化之法也。雖然，凡用消化方藥，必須按其部分而君臣佐使駕馭有方，使不得移則病處當之，不致誅伐無過，不明乎此而妄用剋削，則病處未消而元氣已傷，其害不可勝言。况其所以積滯者，有食積痰積水積瘀積蟲積之不同，種種見症不一而足，務在明辨症候，按法而消化之。以余所驗，溫

熱伏邪。臨時每多夾食。夾痰。夾水。夾瘀。夾蟲之故。必爲消化。乃得其平。

(甲)消食諸方。如加味平胃散。沉香百消麩。絳礬丸之類。皆可酌用。而以枳實導滯湯。枳實梔鼓湯。加竹瀝。蘿蔔汁二方。奏功尤速。

(乙)消痰諸方。如加味二陳湯。葶樸二陳湯。加減導痰湯。加味小陷胸湯。加減半夏瀉心湯。雪羹加生蘿蔔汁。星香導痰丸之類。皆可用。而以節齋化痰丸。(淡天冬青子。冬瓜萋霜。青海粉。賴橘紅各一兩。苦桔梗。製香附。青連翹各五錢。上青黛。風化硝各三錢。研細。加薑汁蜜丸。王節齋名醫雜著方)巖製川貝二方。效用最繁。若痰塞咽喉。可用導痰開關散。雄黃解毒丸等。吐之。痰壅胸膈。則

以降痰奔馬湯。雪梨汁一杯、生薑汁四滴、蜂蜜半杯、薄荷細末一錢、和勻、器盛、重湯煮一時之久、任意與食、降痰如奔馬、善治痰氣壅塞、故名。陳飛霞幼幼集效方。調下珍珠滾痰丸。半夏五十粒、巴豆三十粒、去殼、同半夏煮、待半夏熟爛、取出巴豆、止用半夏烘乾爲細末、米糊爲丸、如菜子大、硃砂爲衣、晒乾、用蘿蔔汁吞服七丸、大人倍之。吳庚生按此方治痰極有效、癩癩痰厥、及喉閉之屬、有痰者、均可用。趙恕軒串雅內編方。服之立效。痰迷清竅。當以昌陽瀉心湯、沈氏六神湯二方。隨症加減。症輕加萬氏牛黃丸、及珠黃散等。症重加牛黃清心丸。新定牛黃清心丸。安宮牛黃丸。集成太極丸。天竺黃、杜鰾、犀角各五錢、酒炒、生錦紋二錢、直瀉

蠶三錢、麝香、梅冰各二分。蜜丸如芡實大，硃砂爲衣。小兒每服一丸，大人五丸。陳氏幼幼集成方。等宣化之。痰積胃腸，宜以五仁橘皮湯。（光杏仁四錢，生苡仁、括蕪仁各五錢，蔻仁八分，拌搗郁李淨仁三錢，蜜炙賴橘紅錢半。廉臣驗方。）加味小陷胸湯爲主。酌加節齊化痰丸，或集成金粟丹等。（丸製杜膽星、明天麻、明乳香各二兩，炒竹節、白附子淨盃、蝎代赭、石直僵、蠶各一兩，赤金箔五十張，真麝香二分，梅花冰片三分，蜜丸，皂角子大，貼以金箔，每用一丸，薑湯化服。此方比抱龍金液保命至寶定命等方，功倍十倍。善治咳嗽上氣，喘急不定，嗽聲不轉，眼翻手搐，昏沉不醒等症。一服卽全。因丸製膽星，雖真牛黃莫能及此。惟虛寒之痰，無根之

氣絕脫之證不可用。陳氏幼幼集成方。消逐之症勢極重者。必用張氏新加涼膈散合礞石滾痰丸。青子芩酒蒸大黃各八兩。火硝煨礞石一兩。上沉香五錢。水丸。量大小用之。王汝言養生主論方。消化而峻逐之痰滯經絡。宜以竹瀝五汁飲。淡竹瀝一杯。生薑汁一匙。生蘿蔔汁。鮮桑枝汁。生雅梨汁。各三羹瓢。荆瀝陳酒各一瓢。和勻。重湯煮一時之久。溫服。廉臣驗方。爲主。輕加指迷茯苓丸。浙茯苓二兩。半夏一兩。生研澄粉。炒枳殼半兩。風化硝二錢半。薑汁和丸。如桐子大。每服三十丸。徐洄溪蘭臺軌範通治方。重加聖濟大活絡丹。白花蛇烏梢蛇威靈仙兩頭尖。如無可用竹節白附子代之。草烏煨天麻淨全蝎製首烏炙龜版麻

黃貫仲炙甘草羌活官桂藿香烏藥川連熟地酒蒸大黃廣木香
沉香以上各二兩細辛赤芍淨沒藥公丁香明乳香白殭蠶薑製
南星青皮骨碎補白豆蔻安息香酒熬黑附塊炒黃芩浙茯苓製
香附元參白朮以上各一兩防風二兩半葛根炙虎脛骨當歸各
一兩半血竭七錢灸地龍犀角麝香松脂各五錢牛黃片腦各一
錢半人參三兩共五十味爲末蜜丸如桂圓核大金箔爲衣陳酒
送下徐洄溪蘭臺軌範通治方云頑痰惡風熱毒瘀血入於經絡
非此方不能透達凡治肢體大症必備之藥也汪謝城方甲云近
人所製人參再造丸一名回生再造丸卽此方減去草烏貫仲黃
芩香附骨碎補麝香沒藥乳香八味加入黃蓍琥珀白芷桑寄生

川芎厚樸天竺黃草果紅花穿山甲薑黃草薺十二味治證並同
宣化而消散之。

(丙)消水諸方分消上焦之積水。萹蘆橘皮湯。葉氏加減蘆根飲。
葉氏新加梔豉湯。三方酌用分消中焦之積水。宜以茵陳胃苓湯
藿樸胃苓湯二方爲主。或加三因控涎丹。或加神芎導水丸。隨其
輕重而選用之。分消下焦之積水。茵陳五苓散。加味八珍散。二方
爲主。勢重者。或用加味粹涎丹。或合大陷胸湯。使積水從二便而
逐去之。舟車神祐丸。(炒黑丑四兩。酒炒錦紋二兩。煨甘遂煨大
戟醋炒芫花炒青皮廣橘紅各一兩。廣木香五分。輕粉一錢。水法
丸。劉河間方)尤能捷效。

(丁)消痰諸方。輕劑如沉香百消麩香殼散。(醫通方)失笑散。
五靈脂生蒲黃各一兩研末每服二錢至三錢。武氏濟陰綱目
方)七釐散(真血竭一兩粉口兒茶二錢四分。明乳香淨沒藥
杜紅花各錢半。飛辰砂一錢二分。冰麝各一分二厘。研細每服
七釐。增廣新編驗方)九釐散(明乳香淨沒藥各一兩。麻黃燒
酒浸馬前子各五錢。研細每服九分。新編驗方)之類。重劑如
飛馬金丹。無極丸。鬱金丸。(廣鬱金海南子。明乳香淨沒藥。飛
雄黃。硃砂。巴霜各四錢。合研極勻。細米醋飛麩糊爲丸。如菜豆
大。大人每服九十一丸。小兒五丸三丸。孕婦忌服。服時宜先蒲
冷粥。見所下既多而不止者。即飲一二杯止之。見沈懋亭驗方